

A Ang panahon sa kataposang mga hampak. Pinadayag 15.

- ❖ Ang matag tawo sa Yuta adunay higayon sa pagpili tali sa pagsimba sa Dios o sa mananap nga mapintas. Nakita ni Juan ang nagmadaugon, kadtong mga nanagdawat sa Dios.
- ❖ Ang talan-awon nabalhin ngadto sa langit (b. 5). Ang tabernaculo nagaaso (Ex. 40:34-35; 1Hari 8:10-11). Ang buhat sa pagpataliwala didto sa Langitnong Sanctuaryo nataposa na. Ang panahon sa grasya natapos na.

B Ang unang mga hampak. Pinadayag 16:1-11.

- ❖ Kining mga hampaka sulosama niadtong nahitabo didto sa Egipto. Kini nagpadayag sa migahi nga kasingkasing niadtong mingpili sa pagsimba sa mananap nga mapintas (b. 2 ug 9), ug ang pagkahuyang sa yawa nga dili makapanalipod sa iyang mga magsisimba (b. 10-11).
- ❖ Human sa hilabihang sangpotanan sa unang upat ka mga hampak, ang kalibutan miliso ngadto sa mapintas nga mananap ug nagpakitabang kaniya. Apan ang mananap nga mapintas dili makatabang kanila (ang iyang trono napuno sa kangitngit diha sa simbolo nga paagi).

C Ang ikaunom nga hampak.

❖ **Ang Suba nga Eufrates mihubas. Pinadayag 16:12.**

- Ang suba Eufrates literal nga mihubas sa dihang ang karaang Babilonia nahulog sa mga kamot ni Ciro.
- Ang Papado dili makatabang sa katawhan, nan kini miliso ngadto sa Protestantismo nga mibiya sa kamatuoran. Sa kataposan, nawala ang suporta gikan sa katawhan ug panahon na kini alang kang Jesus nga mobalik aron sa pagkuha kon kinsay mga Iya (b. 15).

❖ **Ang tulo ka yawanong mensahe. Pinadayag 16:13-14.**

- Si Satanas nagapadalag tulo ka mensahe ingon nga inawat sa tulo ka mensahe sa tulo ka manolunda diha Pinadayag 14. Aron sa pagbuhat sa ingon, siya nagagamit og espiritualismo (ang dragon), ang papado (ang mapintas nga mananap) ug ang Protestantismo nga mibiya sa kamatuoran (ang mene nga profeta).
- Nianang gutloa, gikuha na sa Dios ang Iyang Balaang Espirito gikan niadtong wala mingdawat kaniya. Sila dali malingla sa mga talimad-on ug milagro sa yawa, ug sila moliso ngadto kaniya pag-usab (tan-awa ang 1 Tesalonia 2:11-12).
- Ang kataposan haduol na: “Tan-awa, Ako moanhi ingon sa kawatan” (b.15). si Satanas nagaatake panahon sa kataposan.

❖ **Ang gubat sa Armagedon. Pinadayag 16:15-16.**

- Ang Armagedon nagkahulogan og “bukid sa Megiddo” sa Hebreo. Walay dapit sa ingon niana nga ngalan, apan dunay dapit sa Palestina nga ginganlag “Megiddo.”
- Niana nga kataposang atake, si Satanas misulay sa paggun-ob sa katawhan nga sa gihapon nagpabiling matud-anon sa Dios. ***Kita nangandam nga magpabiling matud-anon unya sa kataposang gubat ingon sa kita nagapili nga magpabiling matud-anon sa atong mga pagsulay karon.***
- Kana nga pag-atake pagasantaon sa ikapitong hampak (b. 17-21). Kana mahitabo sa dili pa ang “bulahang paglaum ug mahimayaong pagpadayag sa atong dakung Dios ug Manluluwas nga si Jesucristo.” (Tito 2:13)